

3 di Fevreru di 2021

Prezados membros di kumitê di skola,

Orsamento di ano fiskal 2020 pa Skolas Publikas di Boston prizentadu li ta oferesi un forti deklarason pa nos studantes, famílias i funsionários i ta serbi komu un lenbreti di ki nu sta investidu na susesu di tudus. Orsamentu ki N sta propô ta inklui un aumento di \$36 milhon sobre es ano pa un total di \$1.294.719.861.

Bale pena pauza i rekonhesi es grandi aumento na nos orsamentu na meio di es pandemia i ku dikliniu na matrikula. Es é un momentu realmenti uniku na nos stória i es orsamentu ta investi na rekonhesimentu di ki, a fin di avalia i lida ku perda di aprendizagen i rekonsidera kriativamenti kuze ki é nisisário pa furnesi instruson i apoio pa alunos ki ta iziji un novu abordagen i rekursus pa pruporsiona sucesso.

Sima ku tudo nos trabadju, nu ten i nu ta kontinua ta ser guiadu pa konvikson di ki **kada aluno, na kada sala di aula, na kada skola** ta meresi mesmo, i asvezes, pa txeu alunos storikamenti karentes, oportunidades inda maiores di aprendi, kresi i prospera. Enkuantu ki nu ta sforsa pa garanti igualdadi i ratifika dizisons anti-racistas, nos é txomada pa pensa dramatikamenti di forma diferenti sobre nos valores i modi ki es valores é demonstradu pa nos orsamento.

Plano stratejiku di 5 ano é nos kuadro di referensia pa susesu. Orsamentu é guia pa realiza nos vizon. Atraves di nos meta di torna un distrito eskolar anti-racista, nu sabe ki es trabadju é ka só strutural i sistemiku, más tanbé adaptivo. Nu mesti muda nos menti, muda pulitikas, i dipos da rekursus a trabadju.

Pa es fin, orsamentu sta ankoradu na kes três prinsipijs orientadores: **Return (regressa), Recover (rekupera), Reimagine (re-inventa)**

Return (regressa)-dexa tudu alunos i funsionários volta pa prédios eskolares oras ki sta siguru volta, i dipos volta pa trabadju ki nu ta ama i bira más forti ki antes.

Recover (rekupera)-konpu stragu fetu pa Covid pa entende midjor ondi alunos sta, avalia ses aprendizagen, fokaliza na intervensions, adisiona apoio, alinha spektativas ku resultados.

Reimagine (re-inventa)-volta komu distrito ki nu mesti ser pa tudu nos alunos. Nu ka pode volta pa mundo antes di 2020, i ku bons motivos, kel sistema ka staba ta funsiona pa txeu alunos, spesialmenti pa alunos minoritarios, nu ka sta djobe volta pa normal, nu kre interrompe normal i transforma pa un distrito eskolar ki alunos mesti i meresi.

Na momento ki [otus Prefeitos sta ta spera reduson dramatiku na orsamentu di skolas](#), nu ta avansa en direson a es metas ku novus investimentos di Prefeito Walsh i di Sidadi di Boston. Es krisi di saúde, leba txeu distritos en volta di nason, a un krisi finanseru. Boston ta destaka komu un sidadi ki sta konprometidu a prienxi lakunas di finansiamentu federal i stadual enkuanto ki el ta kontinua ta investi. É notavel ki durante un tenpu di grandi inzerteza, ki Prefeito ta adisionaba investimentos pa Skolas Publikas di Boston i da un passo alen di un orsamentu di manutenson pa aumenta apoio – alen di un aumento riba di kel \$80 milhon di ano passado. Apesar di dikliniu na matrikula i diminuison na kustos salarial, nos orsamentu pa aluno ta aumenta pa kuasi \$1.700 pa kada aluno - di aproximadamenti \$21.800 pa kada aluno pa \$23.500.

Noventa i seis porsentu di es proposta ta representa servisus diretos pa alunos i skolas atraves di finansiamentu direktamenti di skolas. Konbinadu ku nos proposta di servisus na skola ku orsamentu sentralizadu, **100% di es proposta ta ten un inpaktu imediadu i diretu na nos skolas**. Entre kes investimento é un konpromisso ki ta **garani un trabadjador social i un konektor di familias na tudu skolas**.

Pa txeu anos a fio, nos konversas sobre orsamentu ten komensadu ku diskusson sobre dikliniu na matrikula. Mudansa é real: nu ten notadu maior dikliniu di matrikula es ano di ki na passado 15 anos. Nos timi sta konprometidu na apoia alunos atraves di tranzison, asin nu pode volta más forti ki antes. Nton es orsamentu ta investi **\$18.5 milhon pa apoia skolas ki tene dikliniu na matrikula**, asigurandu ki speriensias di nos alunos ka muda pa proximo ano.

Hoji noti, nu sta komesa nos diskusson publika sobre orsamentu di ano fiscal22 i N sta ansiosa pa ten un konversa robusta. Koloka alunos na sentru i medi susesso di tudu nos alunos. N sta konfiante di ki es orsamentu ta garanti ki alunos ta ten asesu a ensino, apoio i servisus ki es meresi pa ten mesmo oportunidadi di alkansa grandeza dentu d'es sima kalker otu pesoa.

Sinceramente,



Dr. Brenda Cassellius
Superintendente